

BESTELAKO XEDAPENAK

HEZKUNTZA, HIZKUNTZA POLITIKA ETA KULTURA SAILA

4759

EBAZPENA, 2013ko urriaren 7koa, Heziketa eta Ikaskuntzako zuzendariarena, teknikariaren eta goi-mailako teknikariaren tituluak lortzeko 2013-2014 ikasturteari dagozkion proba libreetarako deia egiten duena Euskal Autonomia Erkidegoan.

Euskal Autonomia Erkidegoan teknikariaren eta goi-mailako teknikariaren tituluak lortzeko probak arautzen dituen 2008ko ekainaren 19ko Aginduaren 4. artikulua honako hau xedatzen du: «Deialdiak Lanbide Heziketako zuzendariaren ebazpenen bidez gauzatuko dira. Ebazpen horietan, izen emateko aldia eta proben datak zehaztuko dira». Era berean, 2. artikulua ezartzen du proba horiek Hezkuntza, Unibertsitate eta Ikerketa Sailaren mendeko ikastetxeetan egingo direla, baimenduta dituzten heziketa-zikloetan, eta betiere, araubide arruntean matrikulatutako ikasleak badituzte lehen nahiz bigarren ikasturtean.

Ondorioz, honako hau

EBAZTEN DUT:

1. artikulua.– Deialdia.

2013-2014 ikasturteko proba libreetarako deialdia egingo da. Proba horiek arautzen dira teknikariaren eta goi-mailako teknikariaren tituluak lortzeko Hezkuntza, Unibertsitate eta Ikerketa sailburuaren 2008ko ekainaren 19ko Aginduaren bidez. Aipatutako tituluak Hezkuntza Sistemaren Antolamendu Orokorrerako urriaren 3ko 1/1990 Lege Organikoaren (LOGSE) ondorioz sortuak dira.

2. artikulua.– Matrikula.

2012-2013 eta 2013-2014 ikasturteetan Hezkuntzari buruzko maiatzaren 3ko 2/2006 Lege Organikoaren (LOE, I. eranskina) ondorioz sortutako heziketa-ziklo berriek ordezkatu dituzten heziketa-zikloen kasuan, proba horiek egiteko matrikula egin ahal izango dute (2/2006 Lege Organikoaren ondorioz sortutako ziklo berria ezartzen den ikasturtean eta hurrengoan) aurretik matrikula eginda dutenek hala heziketa-zikloa osatzen duten lanbide-modulu guztietan nola lanbide-modulu horietariko bateko edozein modalitatetan. Eskakizun hori egiaztatzeko, aurkeztuko da interesduna matrikulatuta egon den ikastetxeko idazkariak igorritako ziurtagiria.

Hezkuntzari buruzko maiatzaren 3ko 2/2006 Lege Organikoaren ondorioz sortutako heziketa-ziklo berriek ordezkatzeko ez dituzten heziketa-zikloen kasuan, pertsona interesdun guztiak matrikulatu ahal izango dira probak egiteko.

Proba horien deialdiak agortu egin dira 2009-2010, 2010-2011 eta 2011-2012 ikasturteetan ordezkaturako zikloetarako (II. eranskina).

Matrikulatu ahal izateko, artikulua honetan aipatzen diren ikasleek bete egin beharko dituzte Euskal Autonomia Erkidegoan teknikariaren eta goi-mailako teknikariaren tituluak lortzeko probak arautzen dituen Hezkuntza, Unibertsitate eta Ikerketa sailburuaren 2008ko ekainaren 19ko Aginduan (uztailaren 14ko EHAA) ezarritako eskakizunak.

Ikasturte berean, ikasle berak ezin izango du teknikariaren eta goi-mailako teknikariaren tituluak lortzeko probetan matrikulatu autonomia-erkidego batean baino gehiagotan. Baldintza hori ez betetzeak matrikula deuseztatzea ekarriko du berekin. Egoera hori egiaztatzeko, III. eranskinean jasotzen den aitopena bete beharko du.

3. artikulua.– Zein ikastetxetan egin ahal izango den matrikula.

Matrikula egin ahal izango da, heziketa-ziklo osorako edo lanbide-moduluetarako, Hezkuntza, Unibertsitate eta Ikerketa Sailaren mendeko ikastetxe publikoetan, baimenduak dituzten heziketa-zikloetan, baldin eta araubide arruntean ikasleak lehen ikasturtean zein bigarrenean matrikulatuta badituzte.

2012-2013 eta 2013-2014 ikasturteetan Hezkuntzari buruzko maiatzaren 3ko 2/2006 Lege Organikoaren (LOE) ondorioz sortutako heziketa-ziklo berriek ordezkatu dituzten heziketa-zikloen kasuan, zein heziketa-ziklotan egin matrikula, ikastetxeek ikasleak izan beharko dituzte lanbide-ziklo horretako bigarren mailan eta ziklo hori ordezkatzen duen heziketa-zikloko lehen ikasturtean; edo, behar izanez gero, azken ziklo horretako bi ikasturteetan.

4. artikulua.– Matrikula eta probak egiteko aldia.

Matrikula 2014ko martxoaren 10etik 21era bitartean egin beharko da, bi egun horiek barne.

Probak, berriz, 2014ko ekainaren 2tik 20ra bitartean –bi egun horiek barne– egingo dira, ikastetxe bakoitzak ezartzen duen egutegira egokituz.

5. artikulua.– Tasak ordaintzea.

Euskal Autonomia Erkidegoko Administrazioaren Tasa eta Prezio Publikoari buruzko Legearen testu bategina onartzeko irailaren 11ko 1/2007 Legegintzako Dekretuak aipatzen dituen modalitateen bitartez ordaindu ahal izango da azterketa egiteko eskubidea. Kreditu-erakunde kolaboratzaileek lagunduko dute horretan. 2014ko martxoaren 26a izango da azterketa-eskubi-deak ordaintzeko azken eguna.

Matrikulak balioa izan dezan, azterketa egiteko eskubideei dagokien tasa ordaindu beharko da. 2014ko apirilaren 7an, ikastetxeko iragarki-taulan jarriko da ikusgai tasa ordaindu duten pertsonen zerrenda. Zerrenda horretan egon litezkeen akatsak zuzentzeko, epe bat irekiko da kaltetuek erreklamazioak jar ditzaten, eta epe hori apirilaren 11n amaituko da. Maiatzaren 9an jarriko da ikusgai matrikulatu diren eta probetara aurkez daitezkeen pertsonen behin betiko zerrenda.

AZKEN XEDAPENETATIK LEHENENGOA

Ebazpen honetan prozedura-gaietarako arautzen ez denerako, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legean ezarritakoa aplikatuko da, ordezko modura.

AZKEN XEDAPENETATIK BIGARRENA

Ebazpen honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2013ko urriaren 7a.

Heziketa eta Ikaskuntzako zuzendaria,
RAMÓN MARÍA MARTÍNEZ DE MURGUÍA URRETA.

2013ko azaroaren 5a, asteartea

I. ERANSKINA

LOE ZIKLOAK –LOGSE ZIKLOAK ORDEZKATZEN DITUZTE–, 2012-2013 IKASTURTEAN EZARRITAKOAK

Lanbide Arloa	LOE Heziketa Zikloak	LOGSE Zikloaren ordezkariak
Administrazioa eta Kudeaketa.	Administrazioa eta Finantzak	Administrazioa eta Finantzak.
	Zuzendaritzari Laguntza Ematea	Idazkari Ikasketak
Nekazaritza	Basoa eta natura-ingurunea kudeatzea	Natura- eta Paisaia Baliabideen Kudeaketa eta Antolamendua
Arte grafikoak	Aurreinprimaketa Digitala	Arte Grafikoetako Aurreinprimaketa
	Inprimaketa Grafikoa	Arte Grafikoetako Inprimaketa
Merkataritza eta marketina	Merkataritza Jarduerak	Merkataritza
	Nazioarteko Merkataritza	Nazioarteko Merkataritza
	Garraioa eta Logistika	Garraioaren Kudeaketa
	Salmentak eta Merkataritza-espazioak Kudeatzea	Merkataritza-Kudeaketa eta Marketina
Elektrizitatea eta elektronika	Mantentze-lan Elektronikoa	Produktu elektronikoen garapena
	Telekomunikazio eta Informatika-sistemak	Telekomunikazio eta Informatika Sistemak
	Automatizazioa eta Robotika Industrialak	Erregulazio eta Kontrol-sistema Automatikoak
eraikuntza eta obra zibila	Barnealdeetako, Dekorazioko eta Birgaitzeko Obrak	Eraikuntza Akaberak
	Eraikuntza	Igeltsero-obrak / Hormigoizko obrak
	Obra Zibileko Proiektuak	Hirigintza Proiektuen eta Topografia-lanen Garapena
Irudi pertsonala	Ile Apainketa eta Kosmetika	Ile Apainketa
	Estetika Integrala eta Ongizatea	Estetika
	Irudi Pertsonalaren eta Korporatiboaren Aholkularitza	Irudi Pertsonaleko Aholkularitza
Irudia eta Soinua	Ikus-entzunezkoen eta Ikuskizunen Produkzioa	Ikus-entzunezkoen, Irratiaren eta Ikuskizunen Produkzioa
	Ikus-entzunezko Proiektuen eta Ikuskizunen Errealizazioa	Ikus-entzunezkoen eta Ikuskizunen Errealizazioa
	Ikus-entzunezkoetarako eta Ikuskizunetarako Soinua	Soinua
	Irudia Argiztatu, Hartu eta Tratatzea	Irudia
Instalazioak eta Mantenimendua	Mantentze-lan Elektromekanikoa	Makinen eta Linea-eroanbideen Instalazioa eta Mantentze-lan Elektromekanikoak
	Mekatronika Industrialak	Ekipo Industrialak Mantentzea
Zurgintza, Altzarigintza eta Kortxoak	Instalazioa eta Altzari-hornikuntza	Neurrira Fabrikatzea xxxxxx
	Diseinua eta Altzari-hornikuntza	Arotzeriako eta Altzarigintzako Produktuen Garapena
Itsasoa eta Arrantza	Itsas Garraioa eta Altuerako Arrantza	Itsas Nabigazioa, Arrantza eta Garraioa
	Akuikultura	Akuikultura-produkzioa
Osasungintza	Hortz Protesiak	Hortz Protesiak
Gizarte eta Kultura-zerbitzuak	Mendekotasun-egoeran Dauden Pertsonentzako Arreta	Atentzio Soziosanitarioa
	Animazio Soziokulturala eta Turistikoa	Gizarte eta Kultura Animazioa

LOE ZIKLOAK –LOGSE ZIKLOAK ORDEZKATZEN DITUZTE–, 2013-2014 IKASTURTEAN EZARRITAKOAK

Lanbide Arloa	LOE Heziketa Zikloak	LOGSE Zikloaren ordeza
Nekazaritza	Natura-ingurunea aprobetxatzea eta kontserbatzea	Baso-lanak eta natur ingurunearen zaintza
Irudi pertsonala		Karakterizazioa
Itsasoa eta arrantza	Itsasontzien eta ontzien makineria mantentzea eta kontrolatzea	Itsasontziko makinen eta instalazioen operazio, kontrol eta mantenimendua
	Itsasertzeko nabigazioa eta arrantza	Arrantza eta itsas-garraioa
	Itsasontzien eta ontzien makineria mantentzeko lanak antolatzea	Itsasontziko makinen eta instalazioen ikuskapena eta kontrola
Kimika	Laborategiko eragiketak	Laborategia
Gizarte eta kultur zerbitzuak	Gizarteratzea	Gizarteratzea

II. ERANSKINA

ORDEZKATUTAKO LOGSE ZIKLOAK. HAUETARAKO EZ DA PROBA LIBRERIK EGONGO

LOE ZIKLOAK –LOGSE ZIKLOAK ORDEZKATZEN DITUZTE–, 2009-2010 IKASTURTEAN EZARRITAKOAK

Lanbide Arloa	LOE heziketa zikloak	LOGSE Zikloaren ordeza
Elektrizitatea eta elektronika	Instalazio Elektriko eta Automatikoak	Ekipo eta Instalazio Elektroteknikoak
Fabrikazio mekanikoa	Mekanizazioa	Mekanizazioa
	Soldadura eta Galdaragintza	Soldadura eta Galdaragintza
	Fabrikazio Mekanikoko Produktzioaren Programatzea	Mekanizazio Bidezko Produktzioa
	Metal-eraikuntzak	Metal-eraikuntzak
Ostalaritza eta turismoa	Sukaldaritza eta Gastronomia	Sukaldaritza
	Jatetxe Arloko Zerbitzuak	Jatetxe eta Tabernako Zerbitzuak
	Turismo Ostatuak Kudeatzea	Ostatuak
Informatika eta Komunikazioak	Mikroinformatika Sistemak eta Sareak	Informatika Sistemen Ustiapena
Instalatzeko eta mantentze-lanak	Instalazio Termiko eta Fluidoaren Proiektuen Garapena	Fluido, Bero eta Manutentzio Instalazioen Proiektuen Garapena
	Instalazio Termikoak eta Fluidodunak Mantentzea	Eraikin eta Prozesu Instalazioak Muntatu eta Mantentzea
Elikagaien industriak	Okintza, Gozogintza eta Konfiteria	gozogintza Pastelgintza eta Okintza Planifikatzea
Kimika	Analisisiko eta Kalitate-kontrolerako Laborategia	Analisisa eta kontrola
Osasuna	Farmazia eta Parafarmazia	Farmazia
Gizarte eta Kultura Zerbitzuak	Haur Hezkuntza	Haur Hezkuntza
Ehungintza, Jantzigintza eta Larrugintza	Patroigintza eta Moda	Patroigintza Jantzigintza Industrialeko Prozesuak
Garraioa eta ibilgailuen mantentze-lanak	Karrozeria	Karrozeria

LOE ZIKLOAK –LOGSE ZIKLOAK ORDEZKATZEN DITUZTE–, 2010-2011 IKASTURTEAN EZARRITAKOAK

Lanbide Arloa	LOE Heziketa Zikloak	LOGSE Zikloaren ordeza
Fabrikazio Mekanikoa	Fabrikazio Mekanikoko Diseinua	Proiektu Mekanikoen Garapena
Ostalaritza eta turismoa	Bidaia Agentziak eta Ospakizunen Kudeaketa	Bidaia Agentziak
	Turismo Gidaritza, Informazioa eta Laguntza	Turismo Merkaturatzea eta Informazioa
Informatika eta Komunikazioak	Sareko Informatika Sistemen Administrazioa	Informatika Sistemen Administrazioa
Ehungintza, Jantzigintza eta Larrugintza	Jantzigintza eta Moda	Jantzigintza
Garraioa eta ibilgailuen Mantentzea	Automozioa	Automozioa

LOE ZIKLOAK –LOGSE ZIKLOAK ORDEZKATZEN DITUZTE–, 2011-2012 IKASTURTEAN EZARRITAKOAK

Lanbide Arloa	LOE Heziketa Zikloak	LOGSE Zikloaren ordez
Administrazioa eta kudeaketa	Administrazio Kudeaketa	Administrazio Kudeaketa
Nekazaritza	Nekazaritza eta Abeltzaintzako Produkzioa	Nekazaritza Ustiategi Estentsiboak Nekazaritza Ustiategi Intentsiboak Abeltzaintza Ustiategiak
	Lorezaintza	Lorezaintza
Eraikuntza eta obra zibila	Eraikuntza Proiektuak	Eraikuntza Proiektuen Garapena eta Aplikazioa
Elektrizitatea eta elektronika	Sistema Elektroteknikoak eta Automatizatuak	Instalazio Elektroteknikoak
Ostalaritza eta Turismoa	Jatetxe-arloko Zerbitzuetako zuzendaritza	Jatetxe-arloa
	Sukaldeko Zuzendaritza	Jatetxe-arloa
Irudi pertsonala	Estetika eta Edergintza	Dekorazio Estetika Pertsonala
Informatika eta komunikazioak	Plataforma Anitzeko Aplikazioen Garapena	Informatika Aplikazioen Garapena
Instalazioak eta Mantenimendua	Beroa Sortzeko Instalazioak	Hozteko, Girotzeko eta Berotzeko Instalazioen Muntaia eta Mantentze-lanak
	Hozteko eta Girotzeko Instalazioak	Hozteko, Girotzeko eta Berotzeko Instalazioen Muntaia eta Mantentze-lanak
Elikagaien industriak	Elikagaien Industriako Prozesuak eta Kalitatea	Elikagaien Industria
Zurgintza, altzarigintza eta kortxoak	Arotzeria eta Altzarigintza	Arotzeria eta Altzarigintza Industrialak
Garraioa eta ibilgailuen mantentze-lanak	Ibilgailu Automobilen Elektromekanika	Ibilgailuen Elektromekanika

2013ko azaroaren 5a, asteartea

III. ERANSKINA

TEKNIKARI ETA GOI MAILAKO TEKNIKARI TITULUAK LORTZEKO PROBAK

2013/2014 ikasturteko deialdia

..... jaunak/andreak,
(interesdunaren izen-abizenak)
.....NAN duenak, Euskal Autonomia Erkidegoan matrikulatuak teknikari eta
goi-mailako teknikari tituluak lortzeko probetan

ZINPEAN EDO PROMESPEAN AITORTZEN DU:

Ikasturte honetan ez duela aldi berean matrikula egingo titulu bera lortzeko beste hezkuntza-administrazio batek
deitutako probetan.

....._(e)n., 20..... ko.....aren

Izpta.:

..... IKASTETXEKO ZUZENDARIA
(ikastetxearen izena)